

榜順治甲午以第二人舉於鄉己亥成進士授江西廣昌縣知縣內艱歸補廣東陵水縣知縣外艱歸服闋仍補廣昌時耿逆未平偽將劉汝桂猖獗首標單騎詣其營曉以大義劉心折解甲歸降廣昌旁州縣胥復准軍功例加五級後以廉能行取吏部文選司主事疾卒於道旅櫬蕭然不能遂首邱會鄉人于清端公總制兩江乃獲歸葬

于成龍字北溟永寧州人性廉而果前己卯副榜貢

國朝銓知羅成縣羅成無城郭室廬廨設篁箐間成龍累聽事土爲几案旁置一釜一盂炊烟併日而召吏民從容問疾苦民寢習之乃編保甲箝獠狎以其暇增陴濬隍招民入居城有大姓私號總戎侯伯指麾長吏者叱令跪且杖下之獄埃叩頭謝死罪始免而里豪挾獠肆跳踉之害息